

06/05-2026

Naleraq

UPA2026/112

Isak Johannessen

Kalaallit Nunaanni mittarfinnut nunanut tamalaanut atorneqartunut tamanut kalaallit erfalasuata qaqqineqartarnissaa qulakkeerneqassasoq pillugu peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Lars Poulsen, Siumut)

Qujanaq Siulittaasoq,

Nunatta erfalasuata Thue Christiansenip 21. Juni 1985 atorneqalersumi pilersitaata, Nunanut allanut mittarfitsinni ersarissumik kinaassutsitsinnik tikiffimmi takutitsisumik erfalasoqartarnissami siunnersuutigineqartumut Naleqqamiit isumaqarpugut siunnersuut pissusissamisuginnartoq.

Taamaattumik takisuuliarinagu atuutilinnagassaasoq.

Erfalasumillu pilersitsisutta Thue Christiansen-ip eqqaaneqarnera ataqqinartuuli Pilersitaanullu qujagaarpugut, erfalasutta kinaassutsitta pilersinneqarneranut.

Nuna tamakkerlugu kinaassutsimik ersarissumik saqqummersitsineq,

Siunnersuut una tassaavoq, qanoq nunarput silarsuarminut Nunarsuarminut allamiunut nunatsinnut tikittunut, mittarfinni tikitamut sumut tikilluni oqariartuut ersarilluinnartussa, naapertuuttumik nunatta tikinneranut ersarissumik erfalasoqarnissaa nunatta imminut kusanartumik takutinnissaa,

Ersarissumik nunap tikitap, Kalaallit nunatta erfalasuata takutinneqarnissaa.

Kinaassutitta Nunatta oqaluttuarisaanerata, erfalasutta kalaaliussutsip ataqqineqarluni takutinneqarnissaa, assersuutigalugu nunanut allanut tikikkaanni erfalasu takussaasartut.

Nunatsinnut tikittoqaraangami suna siullertut takuneqartarpa?

Kalaallit Nunaanni ersarissumik, Siumumit siunnersuut alloriarneruvoq eqqortoq, siullerlu oqaasertalerpara alloriarneq siullertut peqqutigalugu, aamma erfalasutta allani atorneqarsinnaanera qaqqittariaqarmat.

Erfalasutta mittarfinni amuneqartarnissaa kinaassutsitinnik sumiinnermik takutitsisoq, mittarfinni Kulturitsinnik oqaluttuarisaanitsinnik ersertitsisunik.

Eqqumiitsuliortunik qalipaasoqarsinnaanera imalu sanaanik assersuutigalugu

Tupilannik imalu arlaannik alutornarsarlugu pilersitsisoqarsinnaanera

eqqarsaatigineqarsinnaanera Naleqqamiit oqaloqataalluta apuukkusupparput.

Naleqqamiit erseqqissumik oqariartuutigaarput,

Kinaassuseq inuiaassuseq oqaluttuarisaanerput pillugu, ilumut pimoorullugu isumaqarutta.

Tamanna takuneqaannarani aamma Tamanna misigineqassasoq timikkut tarnikkut

misigissusikkullu.

- Nunatta immikkuullarissusaa,
- nunap kusanartup immikkuullarissup
- nunap inuisa qanilaassusaata,
- Inuisa illoqarfinni assigiingitsuni inussiarnernerisa,
- Inuiaat Kalaallit ikiuukkumatuneri,

Tamanna takornariaqarnermut ataqatigiissarlugulu,aaqqissuunneqartariaqarpoq.
Siuariartornerpummi unitsinneqarsinnaanani aallarpoq.

Nunami nammineq aalajangiisinnaarusuttumiippugut.
Nunami imminut aalajangersorusuttumi.
Nunami allanit ataqqineqarluni inissikkusuttumi.

Taamaattumik apeqqutigisariaqarparput, Erfalatorput kisiat tikinnermi nuisinnera
naammappa?
Inuiaammi aamma Nunani allani unammisartut unamminerini qaqugu Erfalatorput
atorsinnaalissavarput?
Kinaassuserput inuiaat nunarsuarmi tamaani timersornermi unammisartortatta
aamma erfalatorput atorsinnaalernissaa qaqugu anguneqarnissaa, Naleqqamiit
qilanaaraarput.
Aamma eqqaangitsoorusunngilara oqaatsivut nammineq nunatsinni ersarittumik siullertut
takuneqarnissaat pisariaqartuungila?

Tikinnermi aamma kulturitta misigineqarsinnaanissaa takornariaalluni
alutornassagalarpoq.
Tamaanga aamma taputartuussinnaavarput nunatta nammineq naalagaaffittut
ersarinnerusumik takuneqarsinnaalernissaa.
Tassaniippoq assigiinngissut.

Naleqqamiit erfalasumik amusisoqaannarnissaa kisiat kissaatiginngilarput,
Kalaallit Nunaata tamakkerluni kivinneqarnissaa kissaatigaarput sunami tamarmi
ataqatigiippoq.

Taamaattumik siunnersuut annertusartariaqarsinnaavoq.
Assersuutigalugu Naalakkersuisut peqquneqarsinnaapput nuna tamakkerlugu
kinaassutsimik ersarissumik saqqummersitsinissamut periusissiamik suliaqassasut.
Periusissiap qulakkiissavaa Erfalasutta takuneqarnissaa.
Kulturitta oqaluttuarisaanittalu ersarissumik saqqummersinneqarnissa.
Oqartussaanerup nunatsinniinnera qanoq takutinneqarsinnaanera
eqqarsaatigilluagassaavoq.

Una pillugu annertunerusumik oqariartuutigaarput.



Imminut ataqqineq pillugu.

Sumut ingerlanissarput pillugu.

Aamma siunissarput qanoq tunngaveqartinneqassanersoq pillugu.

Namminersorluta kinaassuserput takutinngikkutsigu allat taamak pinaviangillat, allanik pisussaqaangilaq suliassamik kivitserusutunik - tassani uaguuvoq suliassanik nunatta kivinnissaanut aallussisussat.

Aamma eqqaangittoorusunngilarput Erfalasutta atorneqarnerulernera maluginiaratsigu.

Assersuutigalugu Qallunaat nunaanni annertuumik atorneqarnerulernera

Ersarinnerulernera Naleqqamiit Qujamasuutigaarput.

Kalaallit Nunaat tassaassaaq nunarsuarmi paasilluarneqartariaqartoq,

Naalagaaffik Kalaallit nunaata piviusunngortinnissaa,

Kinguaatta siunissami tulluusimaarlutik toqqissisimallutik najugassaat.

Qujanaq.